

Na osnovu člana 64. stav (1) 70. Zakona o javnim nabavkama Bosne i Hercegovine („Službeni glasnik BiH“, broj 39/14), na preporuku Komisije za nabavke od 12.12.2018. godine, predsjednik Turističke zajednice Kantona Sarajevo, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor za nabavku usluga najma službenih motornih vozila za potrebe Turističke zajednice Kantona Sarajevo, dodjeljuje se ponuđaču **ASA RENT d.o.o.**

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji i sadrži prihvatljivu cijenu za predmetne usluge.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Ugovorni organ Turistička zajednica Kantona Sarajevo (u daljem tekstu: Ugovorni organ) je postupak za nabavku predmetnih usluga za istu namjenu pod istim uslovima prethodno pokrenuo putem najtransparentnijeg postupka javne nabavke, odnosno putem otvorenog postupka (broj obavještenja o nabavci: 19294-1-2-21-3-8/18 od 10.10.2018. godine). Postupaka je poništen iz razloga što u zakazanom krajnjem roku za prijem ponuda nije pristigla nijedna prihvatljiva ponuda.

Obzirom da je postupak predmetne nabavke objavljen u sistemu javnih nabavki, čime je informacija bila dostupna svim zainteresiranim ponuđačima, uvjeti za učešće su bili u granicama zadovoljavanja minimalnih formalnih i tehničkih uvjeta utvrđenih Zakonom o javnim nabavkama Bosne i Hercegovine i potreba Turističke zajednice KS, tenderska dokumentacija pripremljena je na nediskriminatornoj osnovi, te shodno činjenici da ponovno objavljivanje postupka, posebno u pogledu motiviranosti potencijalnih ponuđača za učešće, te neodložne potrebe za realizacijom predmetnog ugovora ne bi postiglo svrhu, ugovorni organ je pokrenuo pregovarački postupak bez objave obavještenja u skladu sa članom 21. tačka a) Zakona o javnim nabavkama za provedbu pregovaračkog postupka bez objave obavještenja za nabavku usluga.

Informacija o namjeri provođenja postupka objavljena je na web stranici Turističke zajednice KS dana 05.11.2018. godine. Komisija za nabavke imenovana Odlukom broj: 589/18 od 24.10.2018. godine i izmjene Odluke br.755/18 od 14.11.2018. godine i od 23.11.2018. godine, izvršila je pregled i ocjenu inicijalne ponude ponuđača ASA RENT d.o.o., ponuđaču kojem je upućen poziv za dostavu ponude, obavila pregovore sa pozvanim kandidatom i izvršila pregled i ocjenu kvalifikacijske dokumentacije, te uputila preporuku predsjedniku Turističke zajednice KS za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje URŽ-u putem ugovornog organa u pisanoj formi u 3 (tri) primjerka neposredno, elektronskim putem ili preporučenom poštanskom pošiljkom u roku od 10 (deset) dana od dana prijema ove odluke.

Broj: 665-3/18

Datum: 12 . 12 .2018. godine

Dostavljeno:

- Ponuđaču u postupku,
- web portal Turističke zajednice KS
- a/a.



Predsjednik Turističke zajednice KS 



Mr. sci Midhat Hubijar